

BOSNA I HERCEGOVINA
FEDERACIJA BOSNE I HERCEGOVINE
ZENIČKO–DOBOJSKI KANTON
KANTONALNO TUŽILAŠTVO
ZENIČKO–DOBOJSKOG KANTONA

Broj: T04 0 KT 0054568 23
Zenica, 05.07.2024. godine

OPĆINSKOM SUDU U VISOKOM
-Sudiji za prethodno saslušanje-
VISOKO

Na osnovu člana 45. stav 2. tačka i), člana 241. stav 1. Zakona o krivičnom postupku
F BiH, p o d i ž e m

OPTUŽNICU

Protiv:

1. B. N., neosuđivana
2. B. A., neosuđivana

što su,

Dana 17.08.2023. godine oko 14,00 sati, u TC „SUŠA“, grad Visoko, grubim vrijeđanjem i nasiljem prema drugom ugrozile građanski mir i drugoga lako tjelesno ozlijedile, tako što su prišle B. M. koja je sa svojom prijateljicom S.M. sjedila, pila kafu i jela picu, kada ju je B. N. polila kečapom, a nakon toga udarila je u lijevo rame i odgurnula uslijed čega je pala sa stolice zatim je vrijeđala verbalno govoreći joj: „Kurvo, kurvetino, trpim te 17 godina, nećeš ti uživati, sjediti i piti kahvu ovdje“, nakon čega su je, kada je pokušala ustati B.N. i B.A. uhvatile za kosu, čupale i udarale po čitavom tijelu, te im je prišao nepoznat momak i rastavio ih nakon čega su se B.N. i B.A. udaljile, a B.M: izašla ispred objekta i pozvala policiju, a one su je tu nastavile vrijeđati, govoreći joj da je njezino dijete kopile te joj je B.N. govorila da joj otima muža, iako su bile svjesne da time grubo vrijeđaju i vrše nasilje prema B.M i da joj na taj način mogu nanijeti tjelesne povrede, što su i htjele, pa su naprijed navedenim radnjama B.M. nanijele lake tjelesne povrede, a grubim vrijeđanjem i nasiljem prema oštećenoj ugrozile građanski mir i sigurnost iste,

Dakle, grubim vrijeđanjem i nasiljem prema drugom ugrozile građanski mir kojom prilikom je jedna osoba lako tjelesno ozlijeđena,

Čime su počinile krivično djelo „Nasilničko ponašanje“ iz člana 362. stav 2. u vezi sa stavom 1. u vezi sa članom 31. KZ F BiH.